

唐

音

統

籤

丙籤五十九李白之十七

唐音統籤卷

一百六十七

長短句

玉壺吟

烈士擊玉壺壯心惜暮年
三杯拂劍舞秋月忽然
高詠涕泗漣鳳凰初下紫泥詔
謁帝稱觴登御筵
揄揚九重萬乘主
謔浪赤墀青瑣賢
朝天數換飛龍馬
敕賜珊瑚白玉鞭
世人不識東方朔
大隱金門是謫仙
西施宜笑復宜嚙
醜女效之徒累身
君王雖愛蛾眉好
無柰宮中妬殺人

此太白自述其知遇始末之辭也

襄陽歌

落日欲沒岷山西倒着接羅花下迷襄陽小兒齊
拍手攔街爭唱白銅鞮傍人借問笑何事笑殺山
公醉似泥鷓鴣杓鸚鵡杯百年三萬六千日一日
須傾三百杯遙看漢水鴨頭綠恰似蒲萄初撥醅
此江若變作春酒壘麴便築糟丘臺千金駿馬換
小妾笑坐雕鞍歌落梅車傍側挂一壺酒鳳笙龍
管行相催咸陽市中歎黃犬何如月下傾金罍君
不見晉朝羊公一片石龜頭剝落生莓苔淚亦不
能爲之墮心亦不能爲之哀誰能憂彼身後事金

鳧銀鴨墓寒灰

各本無此二句惟文苑英華有之今補入

清風朗月不

用一錢買玉山自倒非人推舒州杓力士鎗

梅鼎祚云

筆端橫蕩遂不覺其重疊

李白與爾同死生襄王雲雨今安在

江水東流猿夜聲

梁園吟

我浮黃河

一作雲

去京闕挂席欲進波連山天長水

濶厭遠涉訪古始及平臺間平臺爲客憂思多對

酒遂作梁園歌却憶蓬池阮公詠因吟淥水揚洪

波洪波浩蕩迷舊國路遠西歸安可得人生達命

豈暇愁且飲美酒登高樓平頭奴子搖大扇五月

不熱如清秋玉盤楊梅爲君設吳鹽如花皎白雪

持鹽把酒但飲之莫學夷齊事高潔

一作何用孤高比雲月

昔人豪貴信陵君今人耕種信陵墳荒城虛照碧

山月古木盡入蒼梧雲

歸藏白有白雲出
自蒼梧歸於大梁

梁王宮

闕今安在枚馬先歸不相待舞影歌聲散綠池空
餘汴水東流海沈吟此事淚滿衣黃金買醉未能
歸連呼五白行六博分曹賭酒酣馳輝歌且譚意
方遠東山高以時起來欲濟蒼生未應晚

醉過謝安東山作東山吟

自注土山去江寧
城二十五里晉謝

安携妓之所

建鄴事實云安石於
此擬會稽之東山號土山爲東山也

攜妓東山去，悵然悲謝安。我妓今朝如花月，他妓
古墳荒草寒。白雞夢後三百歲，灑酒澆君同所歡。
酣來自作青海舞，秋風吹落紫綺冠。彼亦一時此
亦一時，浩浩洪流之詠何必奇。安嘗夢乘桓溫輿
行十六里，見一白
雞而止。後安代溫位十六年，遇酉歲而薨。初溫伏
甲欲誅謝安，王坦之王恐狀見于色，安方作洛生
詠，飄浩浩洪流，溫憚其曠達，解兵。
浩浩洪流帶我邦，畿本嵇康詩。

和盧侍御通塘曲

君誇通塘好，通塘勝耶谿。通塘在何處，遠在尋陽
西。青蘿嫋嫋拂煙樹，白鷗處處聚沙堤。石門中斷
平湖出，百丈金潭照雲日。何處滄浪垂釣翁，鼓棹

漁歌趣非一相逢不相識出沒繞通塘浦邊清水
明素足別有浣沙吳女郎行盡綠潭潭轉幽疑是
武陵春碧流秦人雞犬桃花裏將比通塘渠見羞
通塘不忍別十去九遲回偶逢佳境心已醉忽有
一鳥從天來月出青山送行子四邊苦竹秋聲起
長吟白雪望星河雙垂兩足揚素波梁鴻德耀會
稽日寧知此中樂事多

攜妓登梁王樓霞山孟氏桃園中

碧草已滿地柳與梅爭春謝公自有東山妓金屏
笑坐如花人今日非昨日明日還復來白髮對綠

酒強歌心已摧君不見梁王池上月昔照梁王樓
酒中梁王已去明月在黃鸝愁醉啼春風分明感
激眼前事莫惜醉臥桃園東

早秋單父南樓酬竇公衡

白露見日滅紅顏隨霜凋別君若俯仰春芳辭秋
條泰山嗟峨夏雲在疑是白波漲東海散爲飛雨
川上來遙帷却卷清浮埃知君獨坐青軒下此時
結念同懷者一作同所懷我閉南樓著道書幽簾清
若仙居曾無好事來相訪賴爾高文一起予

答杜秀才五松見贈

唐子純金
昔獻長楊賦天開雲雨歡當時特詔承明裏皆道
楊雄才可觀敕賜飛龍二天馬黃金絡頭白玉鞍
浮雲蔽日去不返總爲秋風摧紫闕角巾東出商
山道采秀行歌詠芝草路逢園綺笑向人兩君解
來一何好聞道金陵龍虎盤還同謝朓望長安千
峯夾水向秋浦五松名山當夏寒銅井炎爐歆九
天赫如鑄鼎荆山前陶公覆鑠呵赤電回祿睢眦
揚紫煙此中豈是久留處便欲燒丹從列仙愛聽
松風且高臥聽颼吹盡炎風過登崖獨立望九州
陽春欲奏誰相和聞君往年遊錦城章仇尚書倒

屣迎飛牋絡繹奏明主天書降問迴恩榮
能就珪組至今空揚高蹈名夫子工文絕世奇
五松新作天下推吾非謝尚邀彥伯異代風流各一時
一時相逢樂在今袖拂白雲開素琴彈爲三峽流
泉音從茲一別武陵去去後桃花春水深

贈裴十四

朝見裴叔則朗如行玉山黃河落天走東海萬里
寫入胸懷間身騎白鼈不敢度金高南山買君願
徘徊六合無相知飄若浮雲且西去

江夏贈韋南陵冰

胡驕馬驚沙塵起胡雛飲馬天津水君爲張掖近
酒泉我竄三巴九千里天地再新法令寬夜郎遷
客帶霜寒西憶故人不可見東風吹夢到長安寧
期此地忽相遇驚喜茫如墮煙霧玉簫金管喧四
筵苦心不得申長句昨日繡衣傾綠樽病如桃李
竟何言昔騎天子大宛馬今乘欵段諸侯門賴遇
南平豁方寸復兼夫子持清論有似山開萬里雲
四望青天解人悶人悶還心悶苦辛長苦辛愁來
飲酒二千石寒灰重煖生陽春山公醉後能騎馬
別是風流賢主人頭陀雲月多僧氣山水何曾稱

人意不然

一作能

鳴笳按鼓戲滄流呼取江南女兒

歌棹謳我且爲君搥碎黃鶴樓君亦爲吾倒却鸚鵡洲赤壁爭雄如夢裏且須歌舞寬離憂

贈從弟南平太守之遙

少年不得意落魄無安居願隨任公子欲釣吞舟魚常時飲酒逐風景壯心遂與功名踈蘭生谷底人不鋤雲在高山空卷舒漢家天子馳駟馬赤車蜀道迎相如天門九重謁聖人龍顏一解四海春彤庭左右呼萬歲拜賀明主收沈淪翰林秉筆迪英眇麟閣崢嶸誰可見承恩初入銀臺門著書獨

在金鑾殿龍駒雕銜白玉鞍象牀綺席黃金盤當
時笑我微賤者却來請謁爲交歡一朝謝病遊江
海疇昔相知幾人在前門長揖後門關今日結交
明日改愛君山嶽心不移隨君雲霧迷所爲夢得
池塘生春草使我長價登樓詩別後遙傳臨海作
可見羊何共和之

扶風豪士歌

洛陽三月飛胡沙洛陽城中人怨嗟天津流水波
赤血白骨相撐如亂麻我亦東奔向吳國浮雲四
塞道路除東方日出啼早鷓城門人開掃落花梧

桐楊柳拂金井來醉扶風豪士家扶風豪士天下
奇意氣相傾山可移作人不倚將軍勢飲酒豈顧
尚書期雕盤綺食會衆客吳歌趙舞香風吹原嘗
春陵六國時開心寫意君所知堂中各有三千士
明日報恩知是誰撫長劍一揚眉清水白日何離
離脫吾帽向君笑飲君酒爲君吟張良未逐赤松
去橋邊黃石知我心

洛陽如何光景作快活語
在杜甫不會在李白不可

司馬將軍歌

舊本編入
樂府非

狂風吹古月竊弄章華臺北落明星動光彩

甘氏
星經

北落門師一星在羽林軍
西蜀星明而角則軍安寧

南征猛將如雲雷手中

電擊倚天劍直斬長鯨海水開我見樓船壯心目
頗似龍驤下三蜀揚兵習戰張虎旗江中白浪如
銀屋身居玉帳臨河魁紫髯若戟冠崔嵬細柳開
營揖天子始知灞上爲嬰孩羌笛橫吹阿鞞迴向
月樓中吹落梅將軍自起舞長劍壯士呼聲動九
垓功成獻凱見明主丹青畫像麒麟臺

元丹丘歌

元丹丘愛神仙朝飲潁水之清流暮還嵩岑之紫
煙三十六峰長周旋長周旋躡星虹身騎飛龍耳
生風橫河跨海與天通我知爾遊心無窮

白毫子歌

淮南小山白毫子乃在淮南小山裏夜臥松下雪

一作雲

朝餐石中髓小山聯縣向江開碧峯巉巖綠

水迴余配白毫子獨酌流霞杯拂花弄琴坐青苔

綠蘿樹下春風來南牕蕭颯松聲起憑崖一聽清

心耳可得見未得親八公攜手五雲去空餘桂樹

愁殺人

僧伽歌

舊注謂卽泗州僧伽非是泗州中宗時遷化此則白與之論法偶同名者

真僧法號號僧伽有時與我論三車問言誦呪幾

千遍口道恒河沙復沙此僧本住南天竺爲法頭

陀來此國戒得長天秋月明心如世上青蓮色意
清淨貌稜稜亦不減亦不增瓶裏千年舍利一作鐵柱
骨手中萬歲胡孫藤嗟予落魄江湖久罕遇真僧
說空有一言懺盡波羅夷再禮渾除犯輕垢

寄玉屋山人孟大融

我昔東海上勞山餐紫霞親見安期公食棗大如
瓜中年謁漢主不愜還歸家朱顏謝春暉白髮見
生涯所期就金液飛步登雲車願隨夫子天壇上
閑與仙人掃落花

憶舊遊寄譙郡元參軍

風玉顏畏銷歇碧牕紛紛下落花青樓寂寂空明
月兩不見但相思空留錦字表心素至今緘愁不
忍窺

愛君芙蓉嬋娟之艷色若可餐今難再得憐君求
玉清迥之明心情不極兮意已深朝共琅玕之綺
食夜同鴛鴦之錦衾恩情婉變忽爲別使人莫錯
亂愁心亂愁心涕如雪寒燈厭夢魂欲絕覺來相
思生白髮盈盈漢水若可越可惜凌波步羅襪美
人美人兮歸去來莫作朝雲暮雨兮飛陽臺

廬山謠寄盧侍御虛舟

我本楚狂人，鳳歌笑孔丘。
手持綠玉杖，朝別黃鶴樓。
五嶽尋仙不辭遠，一生好入名山遊。
廬山秀出南斗傍，屏風九疊雲錦張。
影落明湖青黛光，金闕前開二峰長。
銀河倒挂三石梁，香爐瀑布遙相望。
迴崖沓嶂凌蒼蒼，翠影紅霞映朝日。
鳥飛不到吳天長，登高壯觀天地間。
大江茫茫去不還，黃雲萬里動風色。
白波九道流雪山，好爲廬山謠興因廬山。
發開窺石鏡，清我心。謝公行處蒼苔沒。
早服還丹無世情，琴心三疊道初成。
遙見仙人綵雲裏，手把芙蓉朝玉京。
先期汗漫九垓上，願接盧敖遊太

清

留別于十一兄述裴十三遊塞垣

太公渭川水李斯上蔡門
鈞周獵泰安黎元小魚
魂兔何足言天張雲卷
有時節吾徒莫歎抵觸藩
于公白首大梁野使人悵
望何可論旣知朱亥爲
壯士且願束心秋毫裡
秦趙虎爭血中原當去抱
關救公子裴生覽千古
龍鸞炳文章悲吟雨雪動
林木放書輟劍思高堂
勸爾一杯酒拂爾裘上霜
爾爲我楚舞吾爲爾楚歌
且探虎穴向沙漠鳴鞭
走馬凌黃河耻作易水別
臨岐淚滂沱

魯郡堯祠送寶明府薄華還西京

時久病初起作

朝策犁眉騮舉鞭力不堪強扶愁疾向何處角巾
微步堯祠南長楊掃地不見日石門噴作金沙潭
笑誇故人指絕境山光水色青於藍廟中往往來
擊鼓堯本無心爾何苦門前長跪雙石人有女如
花日歌舞銀鞍繡轂往復迴簸林冰石鳴風雷遠
煙空翠時明滅白鷗歷亂長飛雪紅泥亭子赤闌
干碧流環轉青錦湍深沈百丈洞海底那知不有
蛟龍蟠君不見綠珠潭水流東海綠珠紅粉泥光
彩綠珠樓下花滿園今日曾無一枝在昨夜秋聲

聞闔來洞庭木落騷人哀遂將三五少年輩登高
遠望形神開生前一笑輕九鼎魏武何悲銅雀臺
我歌白雲倚牕牖爾聞其聲但揮手長風吹月度
滄來遙勸仙人一杯酒酒中樂酣宵向分舉觴酌
堯堯可聞何不令臯陶擁篲橫八極直上青天揮
一作
梯 浮雲高陽小飲真瑣瑣山公酪酏何如我竹
林七子去道賒蘭亭雄筆安足誇堯祠笑殺五湖
水至今憔悴空荷花爾向西秦我東越誓向瀛州
訪金闕藍田太白若可期爲余掃灑石上月

宣州謝朓樓餞校書叔雲

一作陪侍御
叔華登樓歌

棄我去者昨日之日不可留亂我心者今日之日
多煩惱長風萬里送秋鴈對此可以酣高樓蓬萊
文章建安骨中間小謝又清發俱懷逸興壯思飛
欲上青天覽日月抽刀斷水水更流舉杯銷愁愁
更愁人生在世不稱意明朝舉棹還滄洲

一作明
朝舉髮

舟
并扁

送舍弟

吾家白額駒遠別臨東道他日相思一夢君應得
池塘生春草

單父東樓秋夜送族弟沈之秦

時疑弟
在席

爾從咸陽來問我何勞苦沐猴而冠不足言身騎
土牛滯東魯沈弟欲行凝弟留孤飛一鴈秦雲秋
坐來黃葉落四五北斗已挂西城樓絲桐感人絃
亦絕滿堂送君皆惜別卷簾見月清興來疑是山
陰夜中雪明日斗酒別惆悵清路塵遙望長安日
不見長安人長安宮闕九天上此地曾經爲近臣
一朝復一朝髮白心不改屈原憔悴滯江潭亭伯
流離放遼海折翮翻飛隨轉蓬聞弦虛墜下霜空
聖朝久棄青雲士他日誰憐張長公

送別

尋陽五谿水沿洄直入巫山裏勝境由來人共傳
君到南中自稱美送君別有八月秋颯颯蘆花復
益愁雲帆望遠不相見日暮長江空自流

白雲歌送劉十六歸山

楚山秦山多白雲白雲處處長隨君長隨君君今
還入楚山裏雲亦隨君渡湘水湘水上女蘿衣白
雲堪臥君早歸又白雲歌送友人云楚山秦山皆
楚山裏雲亦隨君渡湘水水上女蘿衣白
雲早臥早行君早起小有異同并附於此

灞陵行送別

送君灞陵亭灞水流浩浩上有無花之古樹下有

傷心之春草我向秦人問路岐云是王粲南登之

古道古道連縣走西京紫關一作關落日浮雲生正

當今夕斷腸處驪歌一作黃鸝愁絕不忍聽

鳴臯歌奉餞從翁清歸五厓山居

憶昨鳴臯夢裡還手弄素月清潭間覺時枕席非

碧山側身西望阻秦關麟麒閣上春還早著書却

憶伊陽好青松來風吹古一作石道綠蘿飛花覆煙

草我家仙翁一作公愛清真才雄草聖凌古人欲臥

鳴臯絕世塵鳴臯微茫在何處五崖峽一作谿水橫

樵路身披翠雲裘袖拂紫烟去去時應過嵩少間

相思爲折三花樹

夢遊天姥吟留別東魯諸公

海客談瀛洲，烟濤微茫信難求。
越人語天姥，雲霓明滅或可覩。
天姥連天向天橫，勢拔五嶽掩赤城。
吳越一夜飛，度鏡湖。月湖月照我影，送我至剡溪。
謝公宿處今尚在，淥水蕩漾清猿啼。
脚着謝公屐，身登青雲梯。
半壁見海日，空中聞天雞。
千巖萬轉路不定，迷花倚石忽已暝。
熊咆龍吟殷巖泉，慄深林兮驚層巔。
雲青青兮欲雨，水澹澹兮生烟。
列缺

霹靂丘巒崩摧洞天石扇訇然中開青冥浩蕩不見底日月照耀金銀臺覽爲衣兮風爲馬雲之君兮紛紛而來下虎鼓瑟兮鸞回車仙之人兮列如麻忽覓悸以鬼動恍驚起而長嗟惟覺時之枕席失向來之烟霞世間行樂亦如此古來萬事東流水別君去兮何時還且放白鹿青崖間須行卽騎訪名山安能摧眉折腰事權貴使我不得開心顏

下途歸石門舊居

留別詩題似不全

吳山高越水清握手無言傷別情將欲辭君挂帆去離魂不散烟郊樹此心鬱悵誰能論有愧叨承

國士思雲物共傾三月酒歲時同饑五侯門羨君
素書常滿囊含丹照白霞色爛余嘗學道窮冥筌
夢中徃徃遊仙山何當脫屣謝時去壺中別有日
月天俛仰人間易凋朽鐘磬五雲在軒牖惜別愁
窺玉女牕歸來笑把洪崖手隱居寺隱居山陶公
鍊液栖其間靈神閉氣昔登攀恬然但覺心緒閑
數人不知幾甲子昨夜猶帶冰霜顏我離雖則歲
物改如今了然失所在別君莫道不盡歡懸知樂
客遙相待石門流水徧桃花我亦曾到素人家不
知何處得雞豕就中仍見繁桑麻翛然遠與世事

間裝鸞駕鶴又復遠何必長從七貴遊勞生徒聚
萬金產揖君去長相思雲遊雨散從此辭欲知悵
別心易苦向暮春風楊柳絲

送祝八之江東賦得浣紗石

西施越谿女明豔光雲海未入吳王宮殿時浣紗
古石今猶在桃李新開映古查菖蒲猶短出平沙
昔時紅粉照流水今日青苔覆落花君去西秦適
東越碧山清江幾超忽若到天涯思故人浣紗石
上窺明月

代美人愁鏡

美人贈此盤龍之寶鏡，燭我金縷之羅衣。時將紅袖拂明月，爲惜普照之餘輝。影中金鵲飛不滅，臺下青鸞思獨絕。藁砧一別若箭弦，去有日來無年。狂風吹却妾心斷，玉筍并墮菱花前。

觀博平王志安少府山水粉壁

粉壁爲空天，丹青狀江海。游雲不知歸，日見白鷗在。博平真人王志安，沈吟至此願挂冠。松谿石磴帶秋色，愁客思歸坐曉寒。

觀元丹丘座巫山屏風

昔遊三峽見巫山，見畫巫山宛相似。疑是天邊十

二峰飛入君家彩屏裏寒松蕭颯如有聲陽臺微
茫如有情錦衾瑤席何寂寂楚王神女徒盈盈高
唐咫尺如千里翠屏丹崖粲如綺蒼蒼遠樹圍荆
門歷歷行舟泛巴水水石潺湲萬壑分烟光草色
俱氤氳谿花笑日何年發江客聽猿幾歲聞使人
對此心緬邈疑入嵩丘夢彩雲

同族弟金城尉叔卿燭照山水壁畫歌

高堂粉壁圖蓬瀛燭前一見滄洲情洪波洶湧山
嶂嶻嶭若丹丘隔海望赤城光中乍喜嵐氣滅謂
逢山陰晴後雪迴谿碧流寂無聲又如秦人月下

窺花源了然不覺清心竟
祇堪疊嶂鳴秋猿與君
對此歡未歇放歌行吟
達明發却顧海客揚雲帆
便欲因之向溟渤

訓東都小吏携斗酒雙魚於逆旅見贈

魯酒琥珀色汶魚紫錦鱗
山東豪吏有俊氣手携
此物贈遠人意氣相傾
兩相顧斗酒雙魚表情素
酒來我飲之鱸作別離處

一本無此二句

雙鯉呀呷鬣

張蹇刺銀盤欲飛去呼兒
拂机霜刃揮紅肌花落
白雪霏爲君下筯一餐罷
醉著金鞭上馬歸

張景陽七

命命支離飛霜鏝紅
肌綺散素膚雪落

訓殷明佐見贈五雲裘歌

我吟謝朓詩上語朔風颯颯吹飛雨謝朓已沒青
山空後來繼之有殷公粉圖珍裘五雲色擘如晴
天散彩虹文章彪炳光陸離應是素娥玉女之所
爲輕如松花落金粉濃似苔錦含碧滋遠山積翠
橫海島殘霞飛丹映江草凝毫采掇花霧一作露容

幾年功成奪天造故人贈我我不違著令山水含

清暉頓驚謝康樂詩興生我衣襟前襟壑歛暝色

袖上雲霞收夕霏並用康樂詩句羣仙長歎驚此物千崖

萬嶺相縈鬱身騎白鹿行飄飄手翳紫芝笑披拂

相如不足誇鸛鶴王恭鶴氅安可方瑤臺雪花數
千點片片吹落春風香爲君持此凌蒼蒼上朝三
十六玉皇下窺夫子不可及矯首相思空斷腸太白
乃有此敗筆
率造可惟

訓張司馬贈墨

上黨碧松煙夷陵丹砂末蘭麝凝珍墨精光乃堪
掇黃頭奴子雙鴉鬟錦囊養之懷袖間今日贈余
蘭亭去興來灑筆會稽山

觀放白鷹

寒冬十一月蒼鷹八九毛寄言燕雀莫相啅自有

雲霄萬里高

自溧水道哭王炎

王公希代寶棄世一何早弔死不及哀殯宮已秋
草悲來欲脫劍挂向何枝好哭向茅山雖未摧一
生淚盡丹陽道

失題

舊作繫溧陽上
崔相渙者非

虛傳一片雨在作陽臺神縱爲夢裏相隨去不是
襄王領國人

騷體

萬憤詞投魏郎中

海水澎湃人雁鯨鯢翫胡沙而四塞始滔天於燕
齊何六龍之浩蕩遷白日於秦西九土星分駸駸
栖栖南冠君子呼天而啼戀高堂而掩泣淚血地
而成泥獄戶春而不草獨幽怨而沈迷兄九江兮
弟三峽悲羽化之難齊穆陵關北愁愛子懷章天
南隔老妻一門骨肉散百草遇難不復相覩樹
榛拔桂囚鸞寵雞舜昔授禹伯成耕犁德自此衰
吾將安棲好我者恤我不好我者何忍臨危而相
擠子胥鴟夷彭越醢醢自古豪烈胡爲此繫蒼蒼
之天高乎視低如其聽卑脫我牢狴儻辨美玉君

牧白珪

雜言用投丹陽知己兼奉宣慰判官

客從崑崙來遺我雙玉璞云是古之得道者西王
母食之餘食之可以凌太虛受之頗謂絕今昔求
識江淮人猶乎比石如今雖在下和手
正憔悴了了知之亦何益恭聞士有調相如始從鎬京
還復欲鎬京去能上秦王殿何時迴光一相眄欲
投君保君年幸君持取無棄捐無棄捐服之與君
俱神仙

鳴皋歌送岑徵君

自注時梁園三尺雪在清冷池作

若有人兮思鳴臯阻積雪兮心煩勞洪河凌兢不
可以徑度冰龍鱗兮難容初逸仙山之峻極兮聞
天籟之嘈嘈霜崖縞皓以合膏兮若長風扇海湧
滄溟之波濤玄猿綠罷蹂琰峯岌危柯振石駭膽
慄鬼羣呼而相號峯崢嶸以路絕挂星辰於巖敷
送君之歸兮動鳴臯之新作交鼓吹兮彈絃觴清
冷之池閣君不行兮何待若反顧之黃鶴掃梁園
之羣英振大雅於東洛巾征軒兮歷阻折尋幽居
兮越嶽粵盤白石兮坐素月琴松風兮寂萬壑望
不見兮心氛氳蘿冥冥兮霰紛紛水橫澗以下淥

波小聲而上聞虎嘯谷而生風龍藏谿而吐雲寡
鶴清淚饑飈嘯呻塊獨處此幽默兮愀空山而愁
人雞聚族以爭食鳳孤飛而無鄰蠓螟嘲龍魚目
混珍嫫母衣錦西施負薪若使巢由桎梏於軒冕
今亦奚異乎夔龍躒躒於風塵哭何苦而救楚笑
何誇而却秦吾誠不能學二子沽名矯節以耀世
今固將棄天地而遺身白鷗兮飛來長與君兮相
親

代寄情楚辭體

君不來兮徒蓄怨積思而孤吟雲陽一去已遠隔

巫山綠水之沈沈留餘香兮染繡被夜欲寢兮愁
人心朝馳余馬於青樓恍若空而夷猶浮雲深兮
不得語却惆悵而懷憂使青鳥兮銜書恨獨宿兮
傷離居何無情而兩絕夢雖往而交踈橫流涕而
長嗟折芳洲之瑤華送飛鳥以極目怨夕陽之西
斜願爲連根同死之秋草不作飛空之落花

三五七言

其體始鄭世
翼白仿之

秋風清秋月明落葉聚還散寒鴉棲復驚相思相
見知何日此時此夜難爲情

丙籤五十九李白之十八

唐音統籤卷

一百六十八

五言律詩

侍從遊宿溫泉宮作

羽林十二將羅列應星文霜仗懸秋月霓旌卷夜
雲嚴更千戶肅清樂九天聞日出瞻佳氣葱葱繞
聖君

溫泉侍從歸逢故人

漢帝長楊苑誇胡羽獵歸子雲叨侍從獻賦有光
輝激賞擢天筆承恩賜御衣逢君奏明主他日共

翻飛

秋思

燕支黃葉落妾望自登臺海上碧雲斷單于秋色
來胡兵沙塞合漢使玉關回征客無歸日空悲蕙
草摧

自登臺有作
白登臺者誤

太原早秋

歲落衆芳歇時當大火流霜威出塞早雲色渡河
秋夢遶邊城月心飛故國樓思歸若汾水無日不
悠悠

早望海霞邊

四明三千里朝起赤城霞日出紅光散分輝照雪

厓一食嘒瓊液五內發金沙舉手何所待青龍白
虎車

挂席江上待月有懷

待月月未出望江江自流倏忽城西郭青天懸玉
鈎素華雖可攬清景不同遊耿耿金波裏空瞻鵠
鵲樓

秋夜與劉陽山泛宴喜亭池

明宰試舟楫張燈宴華池文招梁苑客歌動郢中
兒月色望不盡空天交相宜令人欲泛海只待長
風吹

宴陶家亭子

曲巷幽人宅高門大士家池開照膽鏡林吐破顏
花綠水藏春日青軒秘晚霞若聞絃管妙金谷不
能誇

楚江黃龍磯南宴楊執戟治樓

五月入五洲碧山對青樓故人楊執戟春賞楚江
流一見波漂月三杯歌棹謳桂枝攀不盡他日更
相求

在水軍宴韋司馬樓船觀妓

搖曳帆在空清川順歸風詩因鼓吹發酒爲劍歌

雄醉舞青樓妓雙鬟白玉童行雲且莫去留醉楚
王宮

流夜至江夏陪長史叔及薛明府宴興德
寺南閣

紺殿橫江上青山落鏡中岸迴沙不盡日映水成

空天樂流

一作開

香閣蓮舟颺晚風恭陪竹林宴留

醉與陶公

對酒醉題屈突明府廳

陶令八十日長歌歸去來故人建昌宰借問幾時
迴風落吳江雪紛紛入酒杯山翁今已醉舞袖爲

君開

嚴滄浪云律詩有徹首尾不對者皆文從字順音韻鏗鏘盛唐諸公有此體而太白爲多

題宛溪館

吾憐宛溪好，百尺照心明。
可謝新安水，千尋見底清。
白沙留月色，綠竹助秋聲。
却笑嚴湍上，于今獨擅名。

過崔八丈水亭

高閣橫秀氣，清幽併在君。
簷飛宛溪水，窻落敬亭雲。
援嘯風中斷，漁歌月裏聞。
閑隨白鷗去，沙上自爲羣。

登新平樓

去國登茲樓，懷歸傷暮秋。天長落日遠，水淨寒波流。秦雲起嶺樹，胡馬飛沙洲。蒼蒼幾萬里，目極令人愁。

與夏十一 岳陽樓

樓觀岳陽盡，川逆洞庭開。鴈引愁心去，山銜好月來。雲間逢下榻，天上接行杯。醉後涼風起，吹人舞袖迴。

秋登宣城謝朓北樓

江城如畫裏，山晚望晴空。兩水夾明鏡，雙橋落彩虹。人烟寒橘柚，秋色老梧桐。誰念北樓上，臨風懷

謝公

宿巫山下

昨夜巫山下，猿聲夢裏長。
桃花飛綠水，三月下瞿塘。
雨色風吹去，南行拂楚王。
高丘懷宋玉，訪古一

霑裳

遊秋浦白筇陂二首

何處夜行好，月明白筇陂。
山光搖積雪，猿影挂寒枝。
但恐佳景晚，小令歸棹移。
人來有清興，及此有相思。

白筇夜長嘯，爽然溪谷寒。
魚龍動陂水，處處生波

瀾天借一明月飛來碧雲端故鄉不可見腸斷正
西看

與賈至舍人於龍興寺剪落梧桐枝望澗湖
剪落青梧枝澗湖坐可窺雨洗秋山淨林光澹碧
滋水涵明鏡轉雲繞畫屏移千古風流事名賢共
此時

觀魚潭

觀魚碧潭上木落潭水清日暮紫鱗躍圓波處處
生涼煙浮竹盡秋月照沙明何必滄浪去茲焉可
濯纓

同族姪評事黯遊昌禪師山池二首

遠公愛康樂爲我開禪關
蕭然松石下何異清涼
山花將色不染水與心俱閑
一坐度小劫觀空天
地間

客來花雨際秋水落金池
片石寒青錦疎楊挂綠
絲高僧拂玉柄童子獻雙梨
惜去愛佳景烟蘿欲
暝時

宿五松山下荀媪家

我宿五松下寂寥無所歡
田家秋作苦鄰女夜春
寒跪進彫胡飯月光明素盤
令人慙漂母三謝不

能餐

尋雍尊師隱居

羣峭碧摩天，逍遙不記年。
撥雲尋古道，倚樹聽流泉。
花暖青牛臥，松高白鶴眠。
語來江色暮，獨自下寒煙。

訪戴天山道士不遇

犬吠水聲中，桃花帶雨濃。
樹深時見鹿，溪午不聞鍾。
野竹分青霽，飛泉挂碧峰。
無人知所去，愁倚兩三松。

謁老君廟

唐詩新編
先君懷聖德靈廟肅神心草合人蹤斷塵濃鳥跡
深流沙丹竈滅關路紫煙沉獨傷千載後空餘松
柏林

金陵三首

晉家南渡日此地舊長安地卽帝王宅山爲龍虎
盤一作碧宇樓臺
滿青山龍虎盤金陵空壯觀天塹淨波瀾醉客
回橈去吳歌且自歡

地擁金陵勢城廻江水流當時百萬戶交道起朱
樓亡國生春草王宮沒古丘空餘後湖月波上對

滄洲

一作
江洲

六代興亡國三杯爲爾歌苑方秦地少山似洛陽
多古殿吳花草深宮晉綺羅併隨人事滅東逝與
滄波

陪宋中丞武昌夜飲懷古

清景南樓夜風流在武昌庾公愛秋月乘興坐胡
床龍笛吟寒水天河落曉霜我心還不淺懷古醉
餘觴

卽用庾公興
復不淺語

夜泊牛渚懷古

無注此地卽謝尚
聞袁宏詠史處

牛渚西江夜青天無片雲登舟望秋月空憶謝將
軍余亦能高詠斯人不可聞明朝挂帆去楓葉正

一作紛紛

謝公亭

自注蓋謝朓
范雲之所遊

謝公離別處風景每生愁
客散青天月山空碧水
流池花春映日牕竹夜
鳴秋今古一相接長歌懷
舊遊

奔亡道中二首

函谷如玉關幾時可生還
洛陽爲易水嵩嶽是燕
山俗變羗胡語人多沙
塞顏申包惟慟哭七日鬢
毛斑

森森望湖水青青蘆葉齊
歸心落何處日沒大江

西歌馬傍春草欲行遠道迷誰忍子規鳥連聲
我啼

贈孟浩然

吾愛孟夫子風流天下聞紅顏棄軒冕白首臥松
雲醉月頻中聖逃花不事君高山安可仰徒此揖
清芬

京兆韋參軍量移東陽

聞說金華渡東連五百灘全勝若耶好莫道此行
難猿嘯千溪合松風五月寒他年一携手搖艇入
新安

贈郭季鷹

河東郭有道於世若浮雲感德無我位清光獨映
君耻將雞並食長與鳳爲羣一擊九千仞相期凌
紫氛

口號贈徵君鴻

自注此公
時被召

陶令辭彭澤梁鴻入會稽我尋高士傳君與古人
齊雲臥留丹壑天書降紫泥不知楊伯起早晚向
關西既比之陶潛梁鴻不得復比之楊震一篇中
用三人任筆錯雜此在太白可耳范德機以
爲律詩須守規矩此
篇爲最嚴非確評也

至鴨欄驛上白馬磯贈裴侍郎

側疊萬古石橫爲白馬磯亂流若電轉舉棹揚珠
輝臨驛卷緹幕升堂接繡衣情親不避馬爲我解
霜威

贈昇州王使君忠臣

六代帝王國三吳佳麗城賢人當重寄天子借高
名巨海一邊靜長江萬里清應須救趙策未肯棄
侯羸

贈崔秋浦三首

吾愛崔秋浦宛然陶令風門前五楊柳井上二梧
桐山鳥下廳事簷花落酒中懷君未忍去惆悵意

無窮

崔令學陶令北牕常晝眠抱琴時弄月取意任無絃見客但傾酒爲官不愛錢東臯春事起種黍早

歸田

一作東臯多種黍勸爾早耕田

河陽花作縣秋浦玉爲人地逐名賢好風隨惠化春水從天漢落山逼畫屏新應念金門客投沙弔楚臣

贈漢陽輔錄事

聞君罷官意我抱漢川湄借問久踈索何如聽訟時天清江月白心靜海鷗知應念投沙客空餘吊

屈悲

贈從弟南平太守之遙

自注南平時因飲酒過度貶武陵

東平與南平今古兩步兵素心愛美酒不是顧專
城謫官桃源去尋花幾處行秦人如舊識出戶笑
相迎

贈柳圓

竹實滿秋園鳳來何苦饑還同月下鵲三繞未安
枝夫子卽瓊樹傾柯拂羽儀懷君戀明德歸去日
相思

贈錢徵君少陽

一作送趙雲卿

唐音新編
白玉一杯酒綠鬢三月時春風餘幾日兩鬢各成
絲秉燭唯須飲投筆也未遲如逢渭川獵猶可帝
王師

寄淮南友人

紅顏悲舊國青歲歇芳洲不待金門詔空持寶劍
遊海雲迷驛道江月隱鄉樓復作淮南客因逢桂
樹留

寄王漢陽

南湖秋月白王宰夜相邀錦帳郎官醉羅衣舞女
嬌笛聲喧沔鄂歌曲上雲霄別後空愁我相思一

水遙

望漢陽柳色寄王宰

漢陽江上柳望客引東枝樹樹花如雪紛紛亂若
絲春風傳我意草木度前知寄謝絃歌宰西來定
未遲

寄從弟宣州長史昭

爾佐宣州郡守官清且閑常誇雲月好邀我敬亭
山五落洞庭葉三江遊未還相思不可見歎息損
朱顏

三山望金陵寄殷淑

三山懷謝朓水滸

一作水

望長安蕪沒河陽縣秋江

正北看盧龍霜氣冷鵝鵲月光寒耿耿憶瓊樹天

涯寄一歌

謝朓登三山望京邑詩瀾浹望長安

用之

國經金陵城西北有獅子山臨大江晉中

宗以形勢同塞上盧龍易名盧龍山白詩盧龍用此也諸家注通未拈出

廣陵贈別

玉甕沽美酒數里送君還繫馬垂楊下街柯大道
間天邊看綠水海上見青山興罷各分袂何須醉
別顏

別儲邕之剡中

借問剡中道東南指越鄉舟從廣陵去水入會稽
長竹色溪下綠荷花鏡裏香辭君向天姥拂石臥
秋霜

留別龔處士

龔子棲閒地都無人世喧柳深陶令宅竹暗辟疆
園我去黃牛峽遙愁白帝猿贈君卷菴草心斷竟
何言

贈別鄭判官

寫逐勿復哀慙君問寒灰浮雲本無意吹落章華
臺遠別淚空盡長愁心已摧三年吟澤畔顛顛幾

時廻

江夏別宋之悌

楚水清若空，遙將碧海通。
人分千里外，興在一杯中。
中谷鳥吟晴日，江猿嘯晚風。
平生不下淚，於此泣無窮。

渡荆門送別

渡遠荆門外，來從楚國遊。
山隨平野盡，江入大荒流。
月下飛天鏡，雲生結海樓。
仍憐故鄉水，萬里送行舟。

南陽送客

斗酒勿爲薄寸心貴不忘坐惜故人去偏令遊子
傷離顏怨芳草春思結垂楊揮手再三別臨歧空
斷腸

送張舍人之江東

張翰江東去正值秋風時天清一鴈遠海闊孤帆
遲白日行欲暮滄波杳難期吳洲如見月千里幸
相思

送族弟凝之滌求婚崔氏

與爾情不淺忘筌已得魚玉臺掛寶鏡持此意何
如坦腹東床下由來志氣疎遙知向前路擲果定

盈車

杭州送裴大澤時赴廬州長史

西江天柱遠東越海門深去割慈親戀行憂報國
心好風吹落日流水引長吟五月披裘者應知不
取金

送白利從金吾董將軍西征

西羌延國討白起佐軍威劒決浮雲氣弓彎明月
輝馬行邊草綠旌一作旗卷曙霜飛抗手凜相顧寒
風生鐵衣

送侯十一

朱亥已擊晉侯嬴尚隱身時無魏公子豈貴抱關
人余亦不火食遊梁同在陳空餘湛盧劍贈爾託
交親

送長沙陳太守二首

長沙陳太守逸氣凌青松英主賜五馬本是天池
龍湘水廻九曲衡山望五峰榮君按節去不及遠
相從

七郡長沙國南連湘水濱吳王垂舞袖

吳今本作

窄不廻身莫小二千石當安遠俗人洞庭鄉路遠
遙羨錦衣春

送殷淑二首

海水不可解連江夜爲潮俄然浦嶼闊岸去酒船
遙惜別耐取醉鳴榔且長謠天明爾當去應便有
風飄

白鷺洲前月天明送客回青龍山後日早出海雲
來流水無情去征帆逐吹開相看不忍別更進手
中杯

送李清歸南華陽川

伯陽僊家子容色如青春日月秘靈洞雲霞辭世
人化心養精魄隱几穹天真莫作千年別歸來城

郭新

送翹十少府

試發清秋興因爲吳會吟碧雲歛海色流水折江

心我有延陵劍君無陸賈金艱難此爲別惆悵一

何深

虞喜志林注錢塘江口有山居中潮投山下折而曲名浙江山白詩折江心用此

送王孝廉覲省

彭蠡將天合姑蘇在日邊寧親候海色欲動孝廉

船窈窕晴江轉參差遠岫連相思無晝夜東泣似

長川

同吳王送杜秀芝赴舉入京

秀才何翩翩王許回也賢翬別廬江守將遊京兆
天秋山宜落日秀木出寒烟欲折一枝桂還來鴈
沼前

送梁四歸東平

玉壺挈美酒送別強爲歡大火南星月長郊北路
難殷王期負鼎汶水起垂竿莫學東山臥參差老
謝安

送郗昂謫巴中

瑤草寒不死移植滄江濱東風灑雨露會入天地
一作春予若洞庭葉隨波送逐臣思歸未可得書
地

此謝情人

江夏送張丞

欲別心不忍
臨行情更親
酒傾無限月
客醉幾重春
藉草依流水
攀花贈遠人
送君從此去
迴首泣迷津

送友人入蜀

見說蠶叢路
崎嶇不易行
山從人面起
雲傍馬頭生
芳樹籠秦棧
春流遶蜀城
升沉應已定
不必問君平

送友人

唐詩卷

卷一百六十八

十六

五

青山橫北郭白水遶東城此地一爲別孤蓬萬里
征浮雲遊子意落日故人情揮手自茲去蕭蕭班
馬鳴

送別

斗酒涓城邊壚頭醉不眠梨花千樹雪楊柳萬條
煙惜別傾壺醕臨分贈馬鞭看君頰上去新月到
應圓

奉饑高尊師如貴道士傳道錄畢歸北海
道隱不可見靈書藏洞天吾師四萬劫歷世遞相
傳別杖留青竹行歌躡紫煙離心無遠近長在玉

京懸

送別得書字

水色南天遠舟行若在虛遷人發佳興吾子訪閨
居日落看歸鳥潭澄美一作憐躍魚聖朝思賈誼應
降紫泥書

觀獵

太守耀清威乘閑弄晚暉江沙橫獵騎山火遶行
圍箭逐雲鴻落鷹隨月兔飛不知白日暮歡賞夜
方歸

張相公出鎮荊州尋除太子詹事余時流夜

月子系金
郎行至江夏與張公去千里公因太府丞王
昔使車寄羅衣二事及五月五日贈余詩余
答以此詩

張衡姝不樂應有四愁詩慙君錦繡段贈我慰相
思鴻鵠復矯翼鳳凰憶故池榮樂一如此商山老
紫芝

聽蜀僧濟彈琴

蜀僧抱綠綺西下峨眉峰爲我一揮手如聽萬壑
松客心洗流水餘響入霜鍾不覺碧山暮秋雲暗
幾重

聽胡人吹笛

胡人吹玉笛一半是秦聲十月吳山曉梅花落敬
亭愁聞出塞曲淚滿逐臣纓却望長安道空懷戀
主情

詠柳少府山瘦木樽

蟠木不雕飾且將斤斧跡樽成山岳勢材是棟梁
餘外與金罍並中涵玉醴虛慙君垂拂拭遂忝玳
筵居

見野草中有曰白頭翁者

醉入田家去行歌荒野中如何青草裏亦有白頭

翁折取對明鏡，宛將衰鬢同。微芳似相誚，留恨向東風。

題江夏修靜寺

自注此寺是李北海舊宅

我家北海宅，作寺南江濱。空庭無玉樹，高殿坐幽人。書帶留青草，琴堂一作臺幕素塵。平生種桃李，寂滅不成春。

對酒憶賀監二首

并序

太子賓客賀公於長安紫極宮一見余呼余爲謫仙人因解金龜換酒爲樂歿後對酒悵然有懷而作是詩

四明有狂客，風流賀季真。長安一相見，呼我謫仙。

人昔好盃中物今爲松下塵金龜換酒處却憶淚
沾巾

在客歸四明山陰道士迎敕賜鏡湖水爲君臺沼
榮人亡餘故宅空有荷花生念此杳如夢凄然傷
我情

哭王炎

王家碧嵒樹一樹忽先摧海內故人泣天涯弔鶴
來未成霖雨用先失濟川材一罷廣陵散鳴琴更
不開

宣城哭蔣徵君華

敬亭埋玉樹知是蔣徵君安得相如草空餘封禪
文池臺空有月詞賦舊凌雲獨挂延陵劍千秋在
古墳

五言小律

送內尋廬山女道士李騰空二首

君尋騰空子應到碧山家水春雲母離風掃石楠
花若戀幽居好相邀弄紫霞

多君相門女學道愛神仙素手掬青靄羅衣曳紫
煙一往屏風疊乘鸞着玉鞭

一本作
不着鞭